

Framhaldsskólinn í Vestmannaeyjum

Skólanefnd Framhaldsskóla – fundur 8. maí 2007, kl 16:00.

Mætt: Jón G. Valgeirsson, Ólafur Elísson, Elliði Vignisson, Sigurhanna Friðþórsdóttir Þorsteinn Finnbogason, Gunnar Friðfinnsson, Bjarni B. Kristjánsson og Ólafur H. Sigurjónsson.

Fundargerð síðasta fundar var lögð fram og samþykkt.

1. Skólastarfið, yfirlit og það helsta framundan.

Skólameistari lagði fram yfirlit yfir það helsta í skólastarfinu frá síðasta fundi. Páskaleyfi var frá 2. apríl til 10. apríl. Freyja Haraldsdóttir kom í heimsókn 11. apríl og fundaði bæði með nemendum og kennurum um líf fatlaðra. Söngkeppni framhsk. var haldin þann 13. og þar voru fulltrúar nemenda og einn kennari. Vinnslustöðin afhenti skólanum gjafabréf fyrir 250 þúsund krónum á sumardaginn fyrsta og var það fé ásamt samskonar gjöf í fyrra notað til að kaupa og koma upp stóru sýningartjaldi og öflugum skjávarpa í sal skólans. Kynningarfundur fyrir 10. bekk og foreldra var haldinn 23. apríl og var hann nokkuð vel sóttur. Kristín Óskarsdóttir og Jóhanna Hauksdóttir komu í heimsókn og kynntu bæði kennurum og nemendum störf með fötluðum (liðveislu ofl.) hér í bæ, um leið og lögð voru drög að samvinnu skólans og félagsþjónustu bæjarins, um að meta þessi störf til eininga, ef nemendur skólans taka þau að sér. Kennslu lauk svo þann 30. apríl og próf hófust 2. maí. Útskrifað verður 19. maí, en stúdentsefni eru 20 og væntanlegir sjúkraliðar eru 9.

2. Skipstjórnarnám - staða mála.

Undirbúningur að því að geta farið af stað með nám á 1. stigi skipstjórnarnáms nú í haust stendur nú yfir. Fulltrúar skólans, bæjarins og útvegsbændafélagsins hafa myndað samráðshóp til að vinna málinu framgang. Nú þegar hafa 23 skráð sig sem hugsanlega nemendur. Fulltrúar Fjöltækniskólans eru væntanlegir til okkar í vikunni og eftir það er vonandi hægt að auglýsa námið og skrá nemendur formlega. Nokkrar umræður urðu um málið og skólameistari mun senda nefndarmönnum fregnir af fundinum með FTÍ.

3. Kennararáðningar – staða mála.

Kennarastöður voru auglýstar um miðjan apríl, með umsóknarfresti til 6. maí. Listi yfir þær umsóknir sem borist höfðu var lagður fram ásamt lista yfir þá leiðbeinendur sem óska endurráðningar. Umsóknarfrestur um nokkrar stöður verður framlengdur og málið tekið fyrir að nýju á næsta fundi.

4. Forföll kennara á vorönn 2007.

Lagt var fram yfirlit um leyfi, veikindi og aðrar fjarvistir kennara á vorönn 2007. Forföll eru svipuð og undanfarið og innan eðlilegra marka.

5. Önnur mál.

Spurt var um íþróttakademíu, sem horfið hefur nokkuð í skuggan af umræðu um skipstjórnarnámið. Töldu fundarmenn rétt að athuga möguleika á að fara af stað með nemendur í þessu námi í haust og horfa þá sérstaklega til handboltans, en sterkur handboltahópur stúlkna og pilta kemur uppúr grunnskólanum í vor.

Næsti fundur áætlaður föstudaginn 18. maí 2007.

Fleira ekki gert, fundi lauk kl 17:50
Ólafur H. Sigurjónsson.